

Ո Ր Ո Շ ՈՒ Մ N 143/6
/վարչական տույժ նշանակելու մասին/

«02» մարտի 2023թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գոռ Բակլաջյանս, քննելով Դավիթ Վաչագանի Հովհաննիսյանի (անձն.՝ AV0472312, քաղաքացիությունը՝ ՀՀ, հասցե՝ 0008, ՀՀ, ք. Երևան, Որմնադիրների փ. 48 տ.) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

1. Սույն գործի նկարագրությունը:

Քաղաքացի Դավիթ Վաչագանի Հովհաննիսյանի կողմից 28.11.2022թ.-ին թիվ 05100033/281122/0067297 տարանցման հայտարարագրով ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնում ձևակերպվել է ավտոմեքենայի նոր պահեստամասեր: Նշանակման մաքսային մարմին է սահմանվել ՀՀ ՊԵԿ Երևանի մաքսային սպասարկման կենտրոն-մաքսատուն, վարչությունը, վերջնաժամկետը՝ 02.12.2022թ., սակայն ապրանքները և ուղեկցող փաստաթղթերը սահմանված ժամկետում չեն հասցվել նշանակման վայր:

2. Սույն վարչական գործի քննության համար նշանակություն ունեցող փաստերը:

1. 28.11.2022թ.-ին քաղաքացի Դավիթ Վաչագանի Հովհաննիսյանի կողմից թիվ 05100033/281122/0067297 տարանցման հայտարարագրով ՀՀ է ներմուծվել ավտոմեքենայի նոր պահեստամասեր:
2. 31.01.2023 թվականին կազմվել է մաքսային կանոնների խախտման վերաբերյալ արձանագրություն: Նշանակվել է գործի քննություն 02.03.2023 թվականին ժամը 11:30-ին, որի վերաբերյալ վերջինիս բնակության հասցեին ուղարկվել է ծանուցագիր, ինչը հետ է վերադարձվել «տեղափոխված» նշագրմամբ:
3. Սույն մաքսային կանոնների խախտման վերաբերյալ գործը քննվել է «Մաքսային կարգավորման մասին» ՀՀ օրենքի 332-րդ հոդվածի ուժով: Համաձայն ՀՀ ՊԵԿ ներքին

անվատանգության վարչության տրամադրած տեղեկատվության Դավիթ Վաչագանի Հովհաննիսյանը գտնվում է ՀՀ սահմաններից դուրս:

3. Սույն վարչական գործի փաստական և իրավական հիմնավորումները, վարչական մարմնի եզրահանգումները:

Եվրասիական տնտեսական միության մաքսային օրենսգրքի 87-րդ հոդվածի 1-ին կետի համաձայն՝ Միության մաքսային սահմանը հատելուց հետո ապրանքները պետք է փոխադրողի կամ անձնական օգտագործման ապրանքներ տեղափոխող անձի կողմից հասցվեն ժամանման վայր կամ սույն Օրենսգրքի 10-րդ հոդվածի 3-րդ կետում նշված այլ վայրեր:

Օրենսգրքի 144-րդ հոդվածի 1-ին մասի համաձայն՝ ապրանքները «մաքսային տարանցում» մաքսային ընթացակարգով ձևակերպելիս ուղարկող մաքսային մարմինը սահմանում է այն ժամկետը, որի ընթացքում ապրանքները ուղարկող մաքսային մարմնից պետք է հասցվեն նշանակման մաքսային մարմին (այսուհետ՝ մաքսային տարանցման ժամկետ): Նույն հոդվածի 3-րդ մասի համաձայն՝ մաքսային տարանցման առավելագույն ժամկետը չի կարող գերազանցել 1 ամսում 2 հազար կիլոմետր հաշվարկով սահմանվող ժամկետը, կամ «մաքսային տարանցում» մաքսային ընթացակարգով ձևակերպվող ապրանքների փոխադրման առանձնահատկությունների հաշվառմամբ Հանձնաժողովի կողմից սահմանվող ժամկետը:

Օրենսգրքի 150-րդ հոդվածի 1-ին կետի 1-ին ենթակետով սահմանվում է՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայրը՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

Օրենսգրքի 151-րդ հոդվածի 1-ին մասի համաձայն՝ «մաքսային տարանցում» մաքսային ընթացակարգի գործողությունն ավարտվում է ուղարկվող մաքսային մարմնի կողմից սահմանված՝ ապրանքների առաքման վայր ապրանքները հասցնելուց հետո:

Օրենսգրքի 154-րդ հոդվածի 1-ին մասի համաձայն՝ «Մաքսային տարանցում» մաքսային ընթացակարգով ձևակերպված բոլոր ապրանքները և դրանց առնչվող փաստաթղթերը ապրանքների առաքման վայր չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի մաքսային մարմինը, «մաքսային տարանցում» մաքսային ընթացակարգին համապատասխան, իրականացրել է ապրանքների բացթողումը:

Ապրանքների՝ «մաքսային տարանցում» մաքսային ընթացակարգին համապատասխան փոխադրման (տրանսպորտային փոխադրման) ժամանակ պարտականությունները չկատարելու այլ դեպքերում, այդ թվում՝ «մաքսային տարանցում» մաքսային ընթացակարգով ձևակերպված ապրանքների մի մասը տեղ չհասցնելու դեպքում Եվրասիական տնտեսական միության մաքսային օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի տարածքում հայտնաբերվել է խախտումը:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 305-րդ հոդվածի համաձայն՝ մաքսային հսկողության ներքո փոխադրվող ապրանքները կամ տրանսպորտային միջոցները

կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը՝ առաջացնում է տուգանք, 100.000 (հարյուր հազար) դրամի չափով:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ: Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Այսպիսով, վարույթի նյութերով հիմնավորվում է, որ Դավիթ Վաչագանի Հովհաննիսյանի կողմից թիվ 05100033/281122/0067297 տարանցման հայտարարագրով ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնում ձևակերպված ապրանքները և ուղեկցող փաստաթղթերը վերջինիս կողմից սահմանված ժամկետում չեն հասցվել նշանակման վայր, ինչով պայմանավորված Դավիթ Վաչագանի Հովհաննիսյանը թույլ է տվել «Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտում, ինչը հիմնավորվում է վարչական վարույթի նյութերով:

4. Եզրափակիչ մաս:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 301-րդ, 305-րդ, 322-րդ, 332-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1"Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտում կատարելու համար Դավիթ Վաչագանի Հովհաննիսյանին ենթարկել վարչական պատասխանատվության՝ տուգանելով **100.000** ՀՀ դրամի չափով:

2"Որոշման մասին հայտնել Դավիթ Վաչագանի Հովհաննիսյանին:

3"Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

Սույն որոշմամբ նշանակված փուլանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝



ԳՈՌ ԲԱԿԼԱՉՅԱՆ